

## মুক্তিযুদ্ধে পল্লীবাসী

আমাদের এই স্বাধীনতা সংগ্রামে  
মুক্তিবীরদের সাথে লড়ে  
গ্রাম বাংলার অসংখ্য জনগণ।  
হাতে নাই তাঁদের হাতিয়ার  
শত প্রার্থনা জানায় খোদার দরজায়  
তাঁদের অকুণ্ঠ সমর্থন।  
রেডিওর পাশে জমায়েত হয়  
শুনে মুক্তি যোদ্ধাদের জয়-  
তাঁদের সাথে কণ্ঠ মিলায়ে শপথ  
মুক্তির লাগি যুদ্ধ করবে আমরন।  
গ্রাম বাংলার নীরিহ বাসীরা  
জানেনা ‘রাষ্ট্রসংঘের’ কথা  
আজকে তাঁরা ‘উথাড’ কে জেনেছে  
যিনি বারো রাজার রাজা;  
চেয়ে আছে তার পানে-  
তিনি সমর্থন করুক -স্বাধীনতা  
ঘৃণা করুক নিধন বর্বরের।

আলস্য জড়তা ছেড়ে, ঘৃণা করে শত্রুসেনা  
আঘাত হানছে বিশ্বাস ঘাতকের প্রতি  
ভয় উদ্বিগ্নে নেই তাঁদের প্রাণের লাগি  
আজি মুক্তি আসুক খুয়ায়ে তাদের ধনপ্রাণ।  
পাটের ক্ষেতে ধান বুনছে  
বৃহ গড়েছে শত্রুর অর্থনীতিতে।  
শত্রুর সাথে করছে যোগাযোগ ছিন্ন  
তারা চায় –তাঁদের শাসন  
করুক তাদেরই নির্বাচিত জনগণ।

৬/৭/৭১